

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Observationes in Cap. in Cap. XIII. & XIV. De Impedimentis Matrimonii sub  
nomine Exceptionum adversus Matrimonium, sumptarum ex persona  
contrahentium.

---

[urn:nbn:de:hbz:466:1-74413](#)

Matrimoniales: plura hujus rei sunt exempla in Galliis. Declarat. an. MDCXXXIX. art. 5. & 6.

Matrimonium *Legitimum*, & non *Ratum*, est id, quod secundum Leges contrahitur; non vero secundum Canones, qui substantiam ordinant: nempe Materiam, & Formam, quibus locum non habentibus in Matrimonio Infidelium, oportet, ut eorum Matrimonium *Legitimum* esse possit, licet *Ratum* non sit.

Quod dicitur de *Fine*, imperfectum est; nam Matrimonium institutum fuit, non solum ad procreationem Liberorum, sed etiam ad prævenienda peccata incontinentia, & ad reciproca auxilia Partium, quoad hanc vitam, & quoad futuram. Vid. REG. I. Quæst. IV. *Regula* sequens, qua dicit, Matrimonium esse bonum Concupiscentiarum usum, pertinet ad primum finem; nam usus Matrimonii relatus ad procreationem Liberorum, est primus bonus usus Concupiscentiarum; secundus bonus usus est, eam contineare intra limites Matrimonii. REG. III. melius collocata fuissest sub Quæst. V. in qua Virginitas opponitur Matrimonio; haec autem *Regula* loquitur de comparatione Matrimonii cum Virginitate: Præterea, *Regula* haec nec finem, nec usum, nec dignitatem Matrimonii respicit, quod est Argumentum Quæst. IV.

#### QUÆSTIO VI.

Loquendo de Solemnitatibus Matrimonii, colligere debuisset omnia, quæ respiciunt Sacramentum, ejus Existentiam, Materiam, Formam, Ministrum; at loquitur solum de Benedictione: tunc, differendo de ejus effectibus, loqui debuisset de jure effectu communis ceteris Sacramentis Viven- tium, nempe incremento Gratiae Sanctificantis, & effectu peculiari ipsius, scilicet jure ad auxilia necessaria, ut sancte impleant obligaciones, quas imponit. Hoc etiam in loco colligendi erant omnes Textus, qui loquuntur de proclamationibus Bannorum Matrimonii, unicum laudat REG. IV. Impedimenta miscet cum Solemnitatibus REG. II. III. V.

#### OBSERVATIONES in CAP. XIII. & XIV. de IMPEDIMENTIS MATRIMONII sub nomine Exceptionum adversus Matrimonium, sumpta- rum ex persona Contrahentium.

Cum plerique Regulae hujus Capitis plures restric- tiones patiantur sub nomine Exceptionum, exposita Impedimenta designare debuisset vulgari vocabulo, ad vitandam confusionem, quæ nascitur ex usu crebro verbi equivoci, adhibiti interdum, ad significandum Matrimonii obstaculum, alias ad designandum id, quod in Regulis non continetur.

Quamvis, inter Impedimenta, quadam annihilent Matrimonium, quadam illicitum facient duntaxat, Autor utraque permiscet, & eodem modo tractat.

Confundit pravas intentiones, quæ sunt res interiores & abscondita, quas Ecclesia cognoscere non potest, cum Impedimentis, quæ sunt res exteriores subditæ cognitioni Ecclesia. Utrumque virtus genus his duobus Capitibus commune est, in quibus de iisdem Impedimentis, sub nomine Exceptionum, & cum pari confusione disputatur, quâpropter illa coniunximus.

His duobus Capitibus etiam jungenda sunt REG. II. III. IV. V. Quæst. VI. Capit. XII. ubi agitur de Impedimento temporis prohibiti; de Impedimento publicationis, & de Impedimentis in genere, sub nomine Impedimentorum; quâ in re novum se offert exemplum Observationis nostra, Autorem non habuisse ideas distinctas Materia Sacramentorum.

Prater haec virtus, Capita haec caligine & impli- catione laborant, provenientibus ex Exceptionibus &

*Tom. I.*

Replicationibus: occurrunt quoque repetitiones inutiles. Utriusque defectus vitandi causa, remittere debuisset ad ea, quæ dixit de consensu requisito ad Sponsalia, id, quod adjicit circa consensum necessarium ad Matrimonium, ubi recte exposuit id, quod utrique commune est; item monere, quod, cum consensus Canonicus & legitimus esse debeat, oportet, ut habeat conditiones & qualitates à Canonibus & Legibus praefitutas; defectum cuiuslibet earum ipsum nullum & illicitum simul efficere, vel simpliciter illicitum; eas conditiones esse Impedimenta, quoad eos, qui eis carent: tunc loqui opus erat, de Impedimentis in genere, & observare quod omnibus commune est; nempe, illicitum facere Matrimonium; aut plerisque; scilicet, illud insuper annihilare; vel esse è Jure Humano, & proinde obnoxia dispensationi, abrogationi, varietati, sive quoad Tempora, sive quoad Loca; vel nonnullis. v. gr. esse è Jure Naturali, vel ex Jure Divino Evangelico, & proinde indispensabilia, invariabilia, & inabrogabilia, eademque in omnibus Loci & Temporibus: talia sunt error, metus, vis, impotentia, vinculum ex Matrimonio constante & valido proveniens, & aliquot Consanguinitatis gradus. Sic aliquas vitavisset repetitiones, quæ occurrunt in Replicationibus, & consistentes in dispensatione, quæ tollit Impedimentum erga Personas impetrantes, & circa quam fallitur, eam soli tribuendo Pontifici. Post has observationes generales, loqui debuisset de Impedimentis dirimentibus, quæ Matrimonium annihilant, & illicitum faciunt; idque continuâ serie exequi; deinceps, colligere ea, quæ respiciunt Impedimenta merè prohibitiva, quæ illicitum faciunt tantum.

Cum sint Impedimenta, quæ relationes speciales inter se habent, ob rationem observatam, oportebat colligere id, quod commune habent, priusquam singula seorsim enucleantur: tales sunt Consanguinitas & Affinitas, Impotentia, & Servitus, error circa utrumque, non secùs ac circa Personam; Impedimentum nascens ex cohabitatione vetitâ, & Impedimentum proveniens ex Adulterio juncto Matrimonio sequenti, vel promissione Matrimonii, vel Conjugicidio, omnia Impedimenta, quæ consensum tollunt, ignorantia, error, seductio, metus, vis, dementia.

Generatim dici debuisset, ac potuisset, de Consanguinitate & Affinitate, priusquam ad singulas transiretur; hanc juxta illam, cuius imitatio est, ordinari; Septem gradus habuisse, cum illa Septem habebat; contrafacta fuisse ad Quatuor, cum Tres ab aliâ dempti sunt; modum eos computandi eundem esse in Affinitate, atque in Consanguinitate, nempe ascendendo, & descendendo in Lineâ Directâ, tot gradus, quot Personas, quâ in re Jus Canonicum cum Civili coincidit; in Lineâ autem Collaterali, tot gradus inter Personas, quot gradus inter illas & stipitem, si in pari distantiâ sint constitutæ; si vero in diversâ, tot gradus, quot inter remotorem & stipitem & stipitem: denique, autoritatem, quæ ea constituit, ea extenderet & contraheret, prout necessarium videtur ad publicam utilitatem, & ab iis in necessitate dispensare.

Observari potuisset ac debuisset, circa Impotentiam, & Servitum, pendere à Parte lèsâ, utrum Matrimonium irritari faciat, an subsisteret finit: de ejus interest agitur, illud persequi aut abdicare potest, conqueriri non potest, nisi defectum ignoraverit, quâ in re idem est de errore circa Personam, ac de errore circa illa duo Impedimenta.

Impedimentum nascens ex Conjunctione illicitâ, duplex est; aliud simplicis Affinitatis; aliud Consanguinitatis: talis est conjunctione Spuriorum cum Liberis legitimis. Impedimentum hoc convenit cum Impedimento, quod vulgo dicitur Impedimentum *Criminis*, quia nascitur ex Criminibus supra memoratis.

*Ff 2*

Com-

Commune est omni Impedimento, quod cessare potest cum dispensatione aut sine dispensatione; ut, Impedimento sublatum, Matrimonium ratum haberi possit per renovationem consensus Partium; si Impedimentum fuit occultum, renovatio occulta sufficit ad ratificationem, publica vero esse debet, cum Impedimentum publicum fuit aut deinceps evasit. Impedimenta in dispensablia tolli nequeunt. Alia cessant vel cum sua causa, vel per dispensationem.

Et quidem defectus Aetatis, per lapsum temporis; dementia, per sanitatem; defectus consensus Partium, aut Parentum, per consensum subsequentem; ignorantia, error, per cognitionem; seductio, metus, vis, per cessionem caularum; differentia Religionis, per conversionem; Clandestinitas, per Promulgationem, aut Dispensationem; Servitus, per Majumissionem, aut consensem Personae liberae; Impedimentum Impotentiae, per consensem Partis laesae; Impedimenta Ordinis Sacri, Professionis Religiosae, Cognitionis, Affinitatis, Cognitionis spiritualis, Honestatis publicae, Cognitionis Legalis, per Dispensationem.

Inter Impedimenta merè prohibitiva, nulla sunt indispensabilia; cum omnia sint purè Humana, sive Ecclesiastica, sive Sæcularia. Quod generatim circa haec duo Capita dixi, locum habet erga Cap. XV, quod continet Replicationes generales Exceptionum præcedentium. Autor vitare non poterat haec via generalia & specialia, sine speciali discussione uniuscujusque Impedimenti, & Collectione eorum, quæ cuique peculiaria sunt: Postquam observavi ea, quæ omnibus communia sunt, aut plerisque, aut quibusdam, & viæ, quibus supplerentur utrique defectus; patere videtur, quod longè difficultius notarentur mendaciam, quæ irrepererunt in citationibus, quam ejus Tractatus de Impedimentis reficeretur. Itaque cogor remittere ad meas REGULAS, circa eadem Impedimenta, considerata in communi & in omnibus suis speciebus. Observationibus adjicio, quod mixtura Replicationum, quas reprobatur, cum iis, quas admittit, sit quoque vitium grave. Error & ignorantia circa Impedimentum, non tollunt Impedimentum; bona fides Contrahentium tantum excusatione dignos facit; diuturnitas possessionis inturbata, justitiam excusationis eorum auget, & utraque juncta simul, sunt justæ excusationis cause. Bona fides presumitur, cum solemnitates præscripta, observata fuerint, & tunc Liberi ex Matrimonio nulloci, reputantur legitimi, etiam si Partes Impedimentum cognoverint. E contraria, omissis sine dispensatione solemnitatibus, Liberi reputantur illegitimi, etiam si parentes Impedimentum ignoraverint; itaque Parentum negligenter Liberi nocet, & diligentia prodest.

#### OBSERVATIONES in CAP. XVI. de JURE MATRIMONII CONTRACTI, quamdiu contractat.

REG. I. male concipitur; dicendum erat, usum Matrimonii esse Jus præcipuum Matrimonii ritè contracti; finem hujus usus esse Liberorum procreationem, eorumque bonam institutionem; & remedium incontinentiae, quam intrâ justos limites coercent: jungenda erat REG. XII, quæ dicit, Conjugum jus æquale esse; nam paritas haec Officium Conjugale præfertim hoc in usu constans respicit.

REG. II. restringi debet ad Bonorum administrationem, & regimen familiæ; in utroque Maritus est Caput Uxorius; indè nascitur jus correctionis, quod in Uxorem habet. Quod dicit REG. III. de Marito, ipsum ægritudines Uxorius ferre debere; extenditur ad Mulierem, quæ Mariti infirmitates nec non defectus patienter tolerare debet.

Agendo prolixè de Officio Conjugali, XV. Casus excipit ab obligatione illud solvendi, quos inter nonnulli sunt inutiles: tales sunt ii, qui Matrimonium irritum respiciunt; nam de Matrimonio valido agitur. Quoad casus dubii circa validitatem, dicendum erat, Partem, quæ gravibus de causis dubitat, non debere exigere, sed tantum alii solvere, qui non habet easdem rationes: & Textibus 44. de Sent. Excomm. & 13. de Restitut. Spoliatorum, adjicere Caput 2. de Secund. Nuptiis, quod eosdem casus respicit; non vero novam Exceptionem ex eo eruere. Exceptio IV. ejusque Replicatio non sunt in praxi, quippe rarum est, Episcopos esse conjugatos; & tunc ad continentiam adstringuntur, atque ab Uxore eveluntur. Except. VIII. usque ad XV. hodie sunt devotionis, & non obligationis. Et respiciunt tempus Partis, Mensrum, Jejunii, Communionis, Festivitatum, Procesionum, & Diem Benedictiōnis Nuptialis.

Causa, qui alterutrius Infidelitatem respiciunt, vel Impedimentum affinitatis, per viam illicitam, aut Cognitionis spiritualis, justi sunt: idem est de Replicationibus; nempe, cum Incestus, per ignorantiam commissus fuit, aut per fraudem alterius, vel cum spiritualis Cognatio in iisdem circumstantiis contracta fuit: quibus adjicienda est, necessitas Baptismi proprii Filii.

Quod dicit REG. VI. redditionem Officii Conjugalis parti gradu ambulare cum Continentia, expositione indiget; nempe, Deum illi dare meritum Continentis Conjugalis. Can. 5. CAUS. XXXIII. QUEST. V. qui desumptus est ex S. AUGUSTINO.

REG. VII. repugnare videtur præcedenti nam dici de Continentia nequit id, quod de Conjunctione Conjugali afferitur, eam non esse opus Spiritus Sancti, nec lepus praesentia honorari. Canoni 4. qui sumptus est ab ORIGENE, contraria tamen non est; nam loquitur de Conjunctione in seipso considerata, & non de Conjunctione Christiana, quæ, sicut aliud quodvis opus bonum, est opus gratiae, perinde atque hominis.

REG. VIII. & IX. respiciunt continentiam ante Communionem, quam diximus esse devotionis.

REG. X. & XI. fundantur in REG. XII. nempe jus Conjunctionis Conjugalis est jus commune; itaque unus ei renuntiare non potest, nisi alter consentiat.

REG. XIII. est sequela Secunda; nam qualitas Capitis Maritum obligat ad superandam Uxorius virtutem, eamque exemplo suo regendam; observatio haec, pluresque aliae præcedentes ostendunt, hujus Capitis Regulas recte non fuisse ordinatas.

Autor Regulam confidere debuisset, circa amissionem Juris Conjugalis per Impedimenta subsequentia, Impotentiae, Affinitatis, Cognitionis Spiritualis, Voti, Professionis Religiosae, Ordinis Sacri; & annotare, quod in his omnibus casibus, Reus non potest exigere: sed tenetur reddere, extrâ casum Impotentiae.

#### OBSERVATIONES in CAP. XVII. de Actione in adhesionem.

Jus hoc est sequela præcedentis; nam si Maritus sit Uxori, & Uxor Marito, oportet, ut, si alius alium sine justâ causa deserat, Pars deserta habeat jus petendi in Jure, ut alia ad se redeat; & quidem hoc est fundamentum Regulae, quæ Septem habet Exceptiones: quædam hic sunt inutiles: nempe, ex, quæ respiciunt casus nullitatis Matrimonii, & ex, in quibus de Sponsalibus agitur tantum, nam si Matrimonium sit nullum, aut initum non fuerit; Conjuncti non possunt petere, ut unio redintegretur, in casu separationis; sed tantum, ut declaretur, non esse Matrimonium, vel esse nullum; tales sunt Quatuor priores.

Quinta,